



2008 eta 2015 urteen artean jaiotako haurrentzako euskararen erabilera indartzeko udal zerbitzuak ikasturte berrirako izenematea irailaren 20ra arte izango du zabalik

Loinazko San Martin plaza azpian dagoen espazioan eman daiteke izena goizez eta arratsaldez

Zerbitzua irailaren 23an jarriko da martxan Ezkiagan eta Loinazko San Martin plazaren azpian dauden espazioetan eta 19an gurasoei zuzendutako bilera egingo da udaletxeko batzar aretoan 18:30ean

Ikasturte berriaren hasierarekin batera, egungo udal gobernuak duela lau urte martxan jarritako euskararen erabilera indartzeko zerbitzuak ireki du 2019-2020ko ikasturterako izena emateko epea. Aurreko egunetan izena emateko orriak ikastetxeetan banatu ostean, gurasoek orain hauek bete eta Loinazko San Martin plazaren azpian dagoen espazioan utzi beharko dituzte. Dokumentazioa uzteko azken eguna irailaren 20a da eta ordutegia honakoa; goizetan 10:00etatik 12:00etara eta arratsaldetan 17:00etatik 19:00etara.

Zerbitzuak irailaren 23an irekiko ditu ateak baina horren aurretik irailaren 19an gurasoei informazioa emateko bilera egingo da Udaletxeko batzar aretoan 18:30ean.

Ikasturtean zehar zerbitzuan gertatzen diren alta eta bajak kontutan hartuta, aurren zenbait irizpide ezarri dira arlo honi dagokion kudeaketa hobetzeko. Asistentzia derrigorrezkoa izango da, eta ikasle batek 4 saio jarraian huts eginez gero, edota hiruhilabetean 6 saiotara joaten ez bada (inolako arrazoirik gabe), baja emango zaio zerbitzuan.

Haurren artean euskararen jakintza eta erabilera sustatzea helburu

Udal gobernuak legegintzaldi honen hasieratik bere helburu nagusien artean hizkuntza politikarekin eta euskararen presentzia eta normalizazioarekin lotura zuzena duen egitasmoari segida ematen jarraitzen du. Herriko ikastetxeekin elkarlanean, gaztetxoenen artean euskararen jakintza eta erabileran zailtasunak dituztenei doakoa den zerbitzua eskaintzea izan du xedea. Hargatik, ikastetxeek behar hori duten erabiltzaileak atzeman eta zerbitzura bideratzea izan da lehentasuna.

Zerbitzua ematearen ardura Itakun enpresa lasartearrarena da bi udal espazioetan: Loinazko San Martin plaza azpian eta Ezkiaga auzoan. Azken urteetan batz bestea guztira 150 haur izan dira zerbitzu honen hartzaileak. Oro har, haurrei laguntza eskaintzen zaie euskararen ikuspegitik, eskolako lanetan eta euskararen lanketa eskatzen duten dinamika eta jolasetan. Hizkuntza errefortzurako zerbitzua ekainaren 30a arte eskainiko da.

Zerbitzuaren ordutegiak

Ezkiaga auzoko espazioa	Astelehena-asteazkena	Asteartea-osteguna
16:30-18:00	HH4 - HH5	HH4 - HH5
18:00-19:30	LH1 - LH2	LH1 - LH2

Loinazko San Martin	Astelehena-asteazkena	Asteartea-osteguna
----------------------------	-----------------------	--------------------

Plazako espazioa

16:45-18:15	HH4 - HH5	HH4 - HH5
16:45-18:15	LH1 - LH2	LH1 - LH2
18:30-20:00	LH3 - LH4	LH3 - LH 4
18:30-20:00	LH5 - LH6	LH5 - LH6

```
jQuery("#share648") . jsSocials({shareIn: "popup",shares: [{ share: "twitter", label: "Tweet", via: "", hashtags: "", text: "Haurrentzako hizkuntza errefortzurako zerbitzuan izena emateko epea irekita", url: "https://beasain.eus/kultura-albisteak/2501-haurrentzako-hizkuntza-errefortzurako-zerbitzuan-izena-emateko-epea-irekita-2"},{ share: "facebook", label: "Partekatu", url: "https://beasain.eus/kultura-albi
```

```
steak/2501-haurrentzako-hizkuntza-errefortzurako-zerbitzuan-izena-  
emateko-epea-irekita-2"},{ share: "linkedin", label: "Partekatu", url:  
"https://beasain.eus/kultura-albisteak/2501-haurrentzako-hizkuntza-  
errefortzurako-zerbitzuan-izena-emateko-epea-irekita-2"},{ share:  
"whatsapp", label: "WhatsApp", shareIn: "self", text: "Haurrentzako  
hizkuntza errefortzurako zerbitzuan izena emateko epea irekita", url:  
"https://beasain.eus/kultura-albisteak/2501-haurrentzako-hizkuntza-  
errefortzurako-zerbitzuan-izena-emateko-epea-irekita-2"},{ share:  
"email", label: "E-mail", shareIn: "self", text: "Haurrentzako  
hizkuntza errefortzurako zerbitzuan izena emateko epea irekita", url:  
"https://beasain.eus/kultura-albisteak/2501-haurrentzako-hizkuntza-  
errefortzurako-zerbitzuan-izena-emateko-epea-irekita-2"},{ share:  
"telegram", label: "Telegram", shareIn: "self", text: "Haurrentzako  
hizkuntza errefortzurako zerbitzuan izena emateko epea irekita", url:  
"https://beasain.eus/kultura-albisteak/2501-haurrentzako-hizkuntza-  
errefortzurako-zerbitzuan-izena-emateko-epea-irekita-2"},[]});
```